


高

文



宋會要卷一百九

職官四十九

每卷首
前三行
格式

吳興劉氏嘉業堂鈔本

宋會要卷第一百十九

大興徐松輯大典本

職官四十七

總領所

總略使

吳興劉承幹編定

高宗	紹興	三年	正月	八日	詔	差	戶部	侍郎	姚舜明	前往	建康	府	專
九人	淮	西	湖	廣	十	人	四	川	二	十	人	萬	九
屬	計	以	大	軍	倉	大	軍	庫	撥	發	船	運	官
審	計	以	大	軍	倉	大	軍	庫	撥	發	船	運	官
椿	甲	仗	庫	大	軍	倉	大	軍	庫	撥	發	船	運
民	藥	局	湖	廣	有	給	納	場	籍	官	分	差	糧
茶	場	御	前	封	椿	甲	仗	庫	大	軍	倉	大	軍
管	文	字	益	又	使	之	與	聞	軍	政	不	獨	職
四	川	又	有	主	淮	東	淮	西	有	分	差	糧	料
金	州	諸	軍	錢	糧	四	川	總	領	掌	之	其	官
西	總	領	掌	之	鄂	州	荆	南	江	州	諸	軍	錢
副	使	之	上	鎮	江	諸	軍	錢	糧	淮	東	總	領
軍	馬	文	字	益	又	使	之	與	聞	軍	政	不	獨
御	前	軍	屯	駐	諸	處	皆	置	總	領	亦	以	朝
先	是	嘗	命	朝	臣	總	領	都	督	府	宣	撫	司
總	領	所	總	略	所	使							

之能也。

七年	十月	十七	日	詔	薛	弼	霍	蠡	同	共	總	領	措
飛	軍	錢	糧	洞									
九	月	二十	三	日	詔	令	戶	部	郎	官	霍	蠡	前
總	領	措	置	移	運	應	辦	詔	差	戶	部	侍	郎
占	吝	不	肯	公	共	移	那	因	致	闕	之	既	無
淮	所	用	錢	糧	雖	各	有	立	定	取	撥	窠	名
六	年	二	月	二十	一	日	都	督	諸	路	軍	馬	張
其	隨	軍	運	判	可	省	罷	洞					
七	月	二十	六	日	詔	都	督	府	已	有	戶	部	侍
亦	仰	姚	舜	明	提	領	洞						
給	等	并	經	由	戶	部	糧	審	院	依	條	批	勘
錢	穀	屬	官	四	員	充	糧	院	審	計	司	監	官
一	總	領	應	干	都	督	府	錢	物	糧	斛	仍	於
亦	仰	姚	舜	明	提	領	洞						
七	月	二十	六	日	詔	都	督	府	已	有	戶	部	侍
其	隨	軍	運	判	可	省	罷	洞					
六	年	二	月	二十	一	日	都	督	諸	路	軍	馬	張
淮	所	用	錢	糧	雖	各	有	立	定	取	撥	窠	名
占	吝	不	肯	公	共	移	那	因	致	闕	之	既	無
納	難	以	稽	考	乞	於	戶	部	長	貳	內	輪	那
總	領	措	置	移	運	應	辦	詔	差	戶	部	侍	郎
九	月	二十	三	日	詔	令	戶	部	郎	官	霍	蠡	前
飛	軍	錢	糧	洞									
七	年	十	月	十	七	日	詔	薛	弼	霍	蠡	同	共
總	領	措	置	五	路	應	干	財	賦	仍			

常留一員在鄂州本司拘催本軍合得錢糧應副支用以中書門	下省言霍蠡總領岳飛軍錢二廣荆湖江西五路錢物浩瀚恐有	失陷留滯合差官措置拘催故有是命	十一正月十四日淮南西路宣撫使張浚言總領提舉大軍錢	糧吳彥璋措置應辦本司大軍錢糧首尾二年並無闕誤欲依張	成憲昨來應副韓世忠錢糧例推恩詔吳彥璋與轉一官	五月四日詔以胡紉為司農少卿總領淮東軍馬錢糧吳彥璋為	太尉府少卿總領淮西江東軍馬錢糧曾慥為太府卿總領湖廣	江西京西路財賦湖北京西軍馬錢糧各專一報發御前軍馬文	字諸軍不聽節制	十二年六月十二日詔鎮江府鄂州總領所各置甲仗庫逐軍所	造軍器每月委總領官置籍樁管月具所交收數聞奏仍各許辟	差管甲仗庫官一員	十三年九月二十一日詔總領淮西江東軍馬錢糧所屬官今後
---------------------------	---------------------------	-----------------	--------------------------	---------------------------	------------------------	---------------------------	---------------------------	---------------------------	---------	---------------------------	---------------------------	----------	---------------------------

警

許戶部長貳太府司農卿少通行薦舉	十五年十月二十八日侍御史汪勃言四川都轉運司盡并于宣	撫司乞就四川路宣撫司置總領一司專掌財賦從之	十一月二十日詔以趙不棄為太府少卿總領四川宣撫司錢糧	以總領四川宣撫司錢糧所為名	十六年六月二十八日詔四川所屯大軍歲用錢物如州軍拖欠	即從所隸漕司案劾若漕司益庇失於檢察催發即從四川總領	所案劾其四路提刑常平司如拖欠違期不起亦一體施行	十二月十一日詔曰朕惟軍興以來四川歛重恐不堪久今疆場	罷警營屯內遷無轉餉之費輜重就閑羨卒耕作有芻粟之積仰	宣撫總領兩司取索承平時常賦名色軍興後權所增益參酌措	置既不當竭力又不可乏軍須兩皆給足永相保持以副朕顧倚	之意	十七年九月十二日總領四川錢糧符行中言交撥到降賜等三
-----------------	---------------------------	-----------------------	---------------------------	---------------	---------------------------	---------------------------	-------------------------	---------------------------	---------------------------	---------------------------	---------------------------	----	---------------------------

二十九日總領四川財賦軍馬錢糧許尹言四川見屯
大軍用度至廣年額合起贍軍其間公然拖欠不催漕司州縣郡
容庇不加程督即日未起錢引計七百二十餘萬道已行下分限
催促外欲乞候歲終從本所取逐路州縣拖欠數目尤甚者具申
朝廷重行黜責從之
十六日戶部言湖廣總領所將荆南戍兵倉庫作一處安置別立
庫教置監官一員從朝廷差官監門官一員令本所於本府見任
指揮使選差兼監從之
十七日總領湖北西軍馬錢糧彭合言贍軍之費宜有餘寄椿
之數宜夙備科撥錢糧各有名色其數未嘗無餘寄椿有庫以待
闕乏軍須未嘗無備歷時之久科撥之數諸路不及元額而又買
發銀價最高支用折閱則歲計不足不免暗借寄椿以紓目前之
急累年如此則夙備之數虧矣伏望審究諸路起發赴軍前不敷
并買銀折閱之數就日科撥應副翌日上諭宰執曰彭合所陳卿

等適進呈更支椿積銀五十萬貫此乃一時之事彭合陳請卻足
歲計若止論目前而不及歲計恐於久遠非便宜速與措置尋詔
每歲截撥四川合赴行在經總制無額錢三十萬貫貼助本所支
遣及於椿管御前激賞庫銀內計價支撥五十萬貫赴本所椿管
戶部看詳鄂州大軍近年有不敷額錢朝廷分上下半年貼降錢
一百一十六萬餘貫應副其不敷錢數增多乃逐路監司州軍違
慢欲下總領官嚴緊拘催須管及額仍將違欠最多去處案劾其
買銀折閱乞下二廣監司帥臣相度措置如何可以不致折閱及
可與不可以其他物貨買發限一月開具利便申尚書省從之
三十年三月一日總領淮西江東軍馬錢糧都絮言江東所屯歲
費緡錢近七百萬米以石計者近七十萬科撥雖有名期限雖名
有日官吏侵兌稽違監司守貳恬不加意乞將監司守貳以下弛
慢尤甚者案劾重賜黜責其承行人吏即依無心力斷罷事理稍
重者亦依條施行從之

八月十一日戶部言江州駐劄御前諸軍合用錢糧已令取撥江西合發赴本所三十年分椿管折帛錢二十萬貫江州椿管上供米三萬石應副續又科撥廣東湖南江西每年合起赴行在經總制錢三十萬貫并於江州轉般倉椿管江西二十七年上供米內取撥三萬石與科見在大軍錢物相兼應副去訖更令於利州路合起發赴行在經總制錢內自紹興三十年夏季為始每年取撥一十萬貫并下行在權貨務都茶場給降江西路末茶長短引共二十萬貫撥赴江州應副客人請買同前項已科錢通共八十萬貫令本所置籍排日拘催起赴軍前應辦給遣從之

十二日湖廣總領所言江州屯駐軍馬合用錢糧依荆南差官應副創置倉庫合差監官一員乞從朝廷注授監門官一員乞從本所於江州見任指使內選差所置倉庫糧審印記乞下文思院鑄造給降從之

十六日湖廣總領所言節次降到臨安府一合同關子共三十萬

貫餘已賣到錢一萬九千貫外其餘並無客人請買卻有降到三合同關子八十萬貫令本所賣錢椿管比之一合同頗為快便乞許本所於三合同關子內已賣到錢對換一十八萬一千貫應副支用乞繳還一合同關子卻行換給支末茶長短引共二十八萬一千貫應副支遣將賣到錢撥還所借支過三合同關子錢仍舊卻撥揆八十萬貫依已降指揮椿管從之

三十一年正月十八日詔淮東總領司太平惠民藥局監官兼監鎮江府大軍倉獨如遇本倉給納即令前去管幹以總領朱夏卿言大軍倉獨員而藥局職事簡省故也

四月十七日四川總領王之望言乞將諸州軍年額合起錢物自正月一日至十二月終實起到庫錢數比較從上起發歲額無虧欠又從下取虧欠最多處各一十處具知通姓名申尚書省候逐官任滿改授差遣日乞朝廷參照勤墮斟酌施行

三十二年四月十八日之望言四川諸州軍三十一年終實到庫

錢比祖額逸年並各增羨即無虧欠最多去處今取增數最多一
十州具知通姓名申聞乞籍記姓名以待選擢從之
二十七日詔諸路大軍每遇招收到人並先具姓名報總領所每
旬委總領官及都統制就本所或教場同共當官填刺軍號其効
用等不刺手面之人亦令對眾審問投名月日詣實應干合得依
糧之類一面從總領所畫自當日並與案旬月日兩季徑行幫勘
支給具數申省部照會出豁科降
孝宗隆興元年十月六日詔戶部於左藏西庫見椿管錢內降一
百萬貫依省則紐折銀二十萬兩餘數以會子貼支前去淮西總
領所交割椿官
十四日詔戶部下左藏西庫於是度牒賣田錢內支會子二十萬
貫前去淮東總領所交納貼助大軍支使
乾道元年三月五日戶部言淮西總領楊侯奏契堪淮西總領所
惠民局及雜賣場止是出賣藥物事務不多乞將雜賣場并令惠

民局官兼管本部勘當欲依所乞合以監總領淮西江東軍馬錢
糧所太平惠民局兼監行宮雜賣場稱呼所有減罷去處其已差
下人並依省罷法施行從之
同日戶部言楊侯奏本所大軍庫事務繁冗未有監官本所甲仗
庫職事簡省乞改差監大軍庫官一員卻令兼管甲仗庫本部勘
當欲依所乞合以監總領淮西江東軍馬錢糧所建康府戶部大
軍庫兼監封樁庫御前甲仗庫稱呼從之
六月二十六日戶部侍郎王弗言欲乞誠飭逐路總領官今後非
被旨不得擅截網運如違許從戶部具名案劾聞奏從之
八月二十五日中書門下省言勘會淮東總領所係是拘催江東
浙西州郡錢米雖有指揮許案發違慢官吏及浙西官亦許薦舉
緣官稱未正事權不專乞依鄂州總領官例於街內添浙西江東
財賦六字將合舉官員數於二路通舉餘並依舊從之
十月十三日戶部員外郎江西京西北總領司馬倬言近承指

揮令取撥四川白契稅錢一百五十萬貫赴本所椿管緣四川係
行使鐵錢地分計置輕齎赴鄂州軍前止得七十五萬貫深恐緩
急不足支用今欲乞於內更行取索撥五十萬貫補助三大軍歲
計支用從之上
十五日戶部尚書員外郎江西京西湖北總領司馬倬言契勘本
所應副江鄂荆襄大軍務事緣多乞檢照元降指揮特賜添置詔
許復置幹辦公事準備差遣各一員上
二年二月四日樞密院言已降指揮三衙招收軍兵効用本軍申
解樞密院令承旨司用等仗審驗人材刺填軍額在外屯駐軍委
本路總領官依此其在外諸軍並不解赴總領所止行關報姓名
審驗預作到軍月日放行請給無以關防詔總領所照應三衙招
効用軍兵拍試格法指揮一體施行上
二十八日淮西江東總領楊侯等言乞將江東安撫司建康府都
統司酒庫並撥付淮西總領使所得旨令共相度欲將諸司酒庫

要

三十一

先次交割見管酒麴錢米麥麩本柄并應干動使等其煮酒賣
到價錢除元本錢并行拘收應副作本外將合得息錢並撥還諸
司從之上
六月十五日四川宣撫使虞允文言契勘四川宣撫自鄭剛中以
前未置總領所今照得前來往川陝宣諭并往荆襄制田日并依
荆襄宣諭使汪澈已畫降指揮總領所隨事所隸今來乞依上件
已得指揮從之上
閏七月四日中書門下省言勘會已降指揮差度支郎中唐瑑前
去湖廣總領所取索應干收支科降及諸路已未起發錢物逐一
究見詣實所有淮東西總領所亦合一體委官前去詔差考功郎
官沈復上
九日尚書度支郎中唐瑑言究實湖廣總領所財賦緣積歲不曾
檢察本所恣縱弊源甚多欲望特降睿旨今後每三年一次差官
稽考庶有畏忌兼歲月不久姦弊易見從之上

要

三十一

州

十二日詔戶部將江鄂州荆南三處軍馬歲用支遣實數并作一
 科降付總領所委本所自行審度各從便順分撥
 二十四日中書門下省言勘會湖廣淮東西總領所廣應干收支
 科降及諸路已未發錢物各已委官前去取索逐一究見詣實所
 有四川總領所亦合一體詔令虞允文措置施行從之
 八月十七日度支郎中唐瑑言湖廣總領所自來差撥戶部人吏
 每有會問并是本處人供報本部人即供報不行又緣替移頻并
 亦隨官罷所以不知首尾欲乞並令發回只令總領官於州郡監
 司吏人踏逐選差三年一替其淮東西總領所并分差糧審院并
 依此從之
 三年十一月二十三日詔令湖廣總領所印造新會子通已未印
 造共三百七十萬貫將銅版依降指揮繳申尚書省其舊會子逐
 旋繳納
 十二月二十六日戶部郎中四川總領查齋言金州屯駐官兵歲

計幫支錢糧數目浩瀚緣相去遙遠本所屬官元差置主管文字
 幹辦公事各二員準備差遣差使各一員昨準指揮裁減主管文
 字一員準備差遣差使各一員今欲於元裁減屬官三員內復置
 一員差往金州幹當簽廳職事從之
 四年正月九日禮部言新除戶部郎官四川總領查齋奏臣契勘
 本司贍軍歲計自紹興三十一年軍興後增招兵馬溢額數多用
 度日廣別無科降止是侵那庫管椿積逐急應副今亦殆盡近準
 朝廷立定兵額案月所添請受並無指準又有因功轉官添加請
 給今年又係有閏年分闕數甚多無川路諸州內有早傷米價踴
 貴比去年尤為闕乏欲望照累政總領官體例給降度牒五千道
 出賣拘收價錢庶幾補助歲計支用詔降度牒一千道紫衣師號
 共五百道
 二月三日新降戶部郎官四川總領查齋言近降指揮四川總領
 所應干收支科降錢物令虞允文措置施行欲乞令虞允文集四

路漕臣各一員同臣就宣撫司會算四川見今財賦所入之數對
 立養兵多寡之額使兵食民賦出入相當庶幾軍用贍足免以匱
 乏頻瀆天聽實為久遠之計詔從之
 二十九日刑部言新除司農少卿淮東總領呂擢奏逐路州軍應
 有總領所錢米去處欲乞量立殿最之法許從本所檢察案治本
 部看詳欲令諸路總領所於歲終將所管州軍每州合發本所錢
 物十分為率若拖欠及二分知通各展二年磨勘或欠數太多取
 旨知了辦數足各與減二年磨勘從之
 十一月十七日詔三總領合支官兵春冬夜戶部措置今後並須
 管依行在官兵條限時日支給不得依前遲延過時
 五年三月六日淮西江東總領葉衡亦準指揮差屬官前去廬州
 應副郭振修城官兵錢糧照得雖有幹辦公事二員內分一員專
 在池州軍前給納簽廳委是闕官深慮誤事欲乞依鄂州例更置
 幹辦公事準備差遣各一員詔許辟差準備差遣一員日後更不

作闕
 八月五日淮東總領呂擢言契勘本所屬官已經裁減止有幹辦
 公事一員淮西總領所已置幹辦公事二員近又申明辟差備準
 差遣一員本司委是闕官乞依淮西例置準備差遣一員從之
 十一月三日戶部言淮東西總領所奏本所人吏舊請於大軍錢
 內勘支立年限與補進義副尉本部照得批勘合於大軍錢內應
 副更不添支食錢其出職年限欲自差到所充應十年頭名職級
 補授進義副尉其遞遷以次人各充應二年通到所及十年依今
 來出職年限補授下淮東西總領所照會湖廣總領所亦依此施
 行從之
 六年四月一日詔淮東總領所并歸淮西總領所令沈復通領存
 留屬官一員鑄錢司可減罷併歸發運司存留幹辦公事二員亦
 發歸運司
 閏五月五日中書門下省言勘會淮東總領所廢并司名合行并

入詔以總領兩淮浙西江東財賦軍馬錢糧所為名	十七日戶部總領兩淮浙西江東財賦軍馬錢糧所為名	記今欲以總領兩淮軍馬錢糧所印十字為文將兩所元印繳納	庶幾歸一從之	六月十七日戶部言淮西總領沈復奏淮東總領所事務至	要稽考出入及檢察糧審院批放緣淮西相去隔遠難以革弊兼	照得準淮東簽廳從來不曾與務場倉庫干涉今欲依做池州例	委自屬官管幹給納本部勘當欲依所乞以戶部給納所為名并	令總領官往來提督施行從之	七年五月四日權知鎮江府兼權淮東總領蔡洗言承指揮復置	淮東總領乞依舊作浙西江東財賦淮東總領錢糧所為名戶部	給納所卻行廢罷所有應干合行事件欲乞並依前後總領所官	已得指揮施行本所元管印記近緣省并別降兩淮總領所印記	今既復置所有淮東總領所元印乞依舊行使從之
----------------------	------------------------	---------------------------	--------	-------------------------	---------------------------	---------------------------	---------------------------	--------------	---------------------------	---------------------------	---------------------------	---------------------------	----------------------

八月二十五日吏部言總領四川財賦軍馬錢糧所奏本所復置	主管文字一員專一主管金州本所簽廳職事乞依金州州縣官	任滿與轉一官推賞本部契勘荆湖路安撫轉運司屬官到任任	滿應得酬賞者依條各隨置司所在州縣官格法推賞本部欲依	所乞將本所在金州置司簽廳官一員依金州州縣官到任任滿	已得指揮推賞施行從之	九月二十四日又奏契勘本所屬官依發運司例自與他州不同	止有四員皆係選人資望太輕難於號令欲望將本所屬官盡差	京朝官許理本等資序其見任者令終滿今任已差選人替官者	各乞別與差遣詔依餘路總領所屬官今後並差京官	十月二十四日詔令建康府於朝廷樁管會子內借撥五十萬貫	應副淮西總領所支遣卻於元科馬軍司未到網錢內拘收撥還	依舊樁管仍開具起發綱運最稽遲數多去處當職官職位姓名	申三省樞密院
---------------------------	---------------------------	---------------------------	---------------------------	---------------------------	------------	---------------------------	---------------------------	---------------------------	-----------------------	---------------------------	---------------------------	---------------------------	--------

八年四月十六日	權尚書戶部侍郎沈復言	今後遇總領所官赴	行在奏行淮東委守臣兼權淮西湖廣委漕臣兼權從之	泗熙元年三月十七日	詔淮東總領所差置催網使臣三員於小	使臣內選差專一往來催促大軍錢糧使喚仍理為資任支破本	等券錢既而六年三月淮西援例差置從之	四月十七日	淮東總領許子中言乞委諸路通判專一主管拘收	逐州錢米起發赴所旬具數目關報本所每半年比較以行賞罰	從之	二年十月二十五日	淮東總領錢糧臣言乞依淮西總領收趨茶	鹽等鈔及額推賞從之	<small>內歲終與比附左右司官計日減</small>	三年十二月十七日	詔兩淮總領所將收支錢物除依條合置庫	分並正赤歷外其餘私歷并創置庫名並行改正如將來朝廷差	官點檢得更有違戾當重作施行
---------	------------	----------	------------------------	-----------	------------------	---------------------------	-------------------	-------	----------------------	---------------------------	----	----------	-------------------	-----------	------------------------------	----------	-------------------	---------------------------	---------------

四年七月二十四日	淮東總領所言鎮江務場歲額收趨茶鹽等	錢增羨官吏推賞并不曾經由本所徑自供申朝廷致有權行抵	當拘催未到錢數至多乞自高熙四年鎮江務場官吏推賞先從	本所審實方許施行從之	六年三月二十四日	淮西總領蓋經言諸州常平買樸酒坊往往	侵損官課乞從本所日下發并自行措置興開依數認還常平元	額從之	四月二十一日	四川總領所言近準樞密院劄子以制置司申請	威茂州每年量立省計為錢引一萬四千道數內成都轉運司管	認五千道餘九千道合從總領所添貼支撥契勘本所歲計係專	用應副四川屯駐御前大軍支遣即無科支諸州係省錢物窠名	體例其省計錢物自來隸屬逐路轉運司科撥詔本路轉運司照	應今年三月十九日	已降漕臣手詔將有餘去處通融應副	十年六月二十六日	淮西總領韓彥質言本所五酒庫近蒙許辟
----------	-------------------	---------------------------	---------------------------	------------	----------	-------------------	---------------------------	-----	--------	---------------------	---------------------------	---------------------------	---------------------------	---------------------------	----------	-----------------	----------	-------------------

差官今乞先令權半年見得實有心力正行奏辟通理為任又乞
差使臣五員糴買米麥從之四川

四川

清熙二年正月十五日詔四川總領所自今將腐爛米斛別行變
賣不得支充軍糧零碎折支四川

三年正月七日四川總領所言金州屯駐官兵歲支錢引六萬一
千餘道係本所與宣撫司分認應付副今即罷宣撫司置制置使

司其本司元認金州一半錢引合令制置使司從之四川

四年正月二十五日詔四川總領所將諸處椿積米常以新易陳
乞兌換支遣不得以兌換為名輒有侵借如日前有借撥之數即

疾速補還四川

六年二月三日詔自今四川總領所茶馬司遇歲終各將本年經
常及椿管錢物收支見在於次年正月開具作冊繳申尚書省四川

十月十六日四川總領李昌圖言乞自今或有陳請事干本所財

計先下本州相度裁其可否然後施行從之四川

八年五月一日詔罷興元金州兩處簽廳其總領所簽廳職事依
江陵府例委各州通判兼管以臣僚言四川總領自來置司利州

去大軍屯駐所在相遠昨緣軍興恐關外四州待報迢遞遂於魚
關置一簽廳以便四州期會差本所幹辦公事主之後來為總領

者不知當來所置簽廳之意只因糴買一事乃於興元金州復置
兩簽廳所差官妄作威福故也四川

十四年三月六日四川總領趙彥逾言諸州椿積錢糧乞令各路
運使每季點檢王淮等奏先降指揮總領不與椿積米斛本為淮

東西湖廣三處即不曾劄子下四川上曰蜀中糧斛總領自當干
預彥逾既有請可分明劄下照會四川

雜錄

清熙四年二月八日詔三總領所出納錢物并明附正歷不得再
有侵借隱占其州軍綱運以時嚴緊催督毋容拖欠如復減裂重

行責罰先是總領所文帳多有侵借隱漏遣官點磨既條上其數
於是中書門下省言除賒欠占壓虛樁之數別行契勘外餘見管
并別庫寄收與州軍拖欠錢物共一千五百八十餘萬內三百餘
萬係無侵借及不曾附帳歷錢已改撥樁管外歷尾見在錢四百
八十餘萬貫存留總所認數樁收以備急闕仍令拘催州軍瀋熙
元年至三年未起網運七百九十餘萬貫與建康鎮江場務月收
窠名并瀋熙四年所科歲計應副支遣已有寬餘其私置庫歷悉
行改正日後收支各立式行下每歲開具申奏以防滲漏因有是
詔洞
十月二日詔總領係與發運監司序官職任尤重自今在任一年
已上者亦許除郎洞
五年五月十一日詔淮東西總領所各置市易庫一所不得在外
州回易先是遣使驅磨總所錢物回易例從廢罷鈔引入納遂不
及常平之數淮東總領葉翥嘗以為言至是戶部侍郎單夔復請

依舊於市易回易庫發泄鈔引故有是命洞
七年七月二十四日原左司郎中杜民表言乞住罷諸路總領漕
司營運上曰朕欲罷此久矣內外諸軍添給累重之人每歲其不
過三十餘萬緡別作措置支給於是詔兩淮湖廣四川總領所兩
浙四川轉運司營運並日下住罷即逐司將裁日終見管本息錢
物實數逐一開具申尚書省其諸軍家累重大官兵合添支錢已
一面別作措置支撥既而八月詔兩浙本錢已拘收外餘各限指
揮到日先將本錢盡數發赴元來去處依舊窠名樁管其收到息
錢依已降指揮疾速開具申尚書省洞
十六年十一月二十三日戶部言湖廣總領所申除湖南創置飛
虎軍係別降錢物應副外有江鄂州江陵府屯駐及襄陽府出成
共四大軍并差出德安府隨郢州信陽軍光黃沅靖州常德府及
大冶麻城縣等處軍馬合用瀋熙十七年分歲計錢物乞科降本
部準瀋熙九年十月二十一日指揮科降每月以五十八萬九千

四百三十餘貫為約一歲計錢七萬百七萬三千二百貫九十四
文今科撥下項京西襄郢等處見屯軍馬合用鐵錢令轉運司於
舒蘄州見椿管并續鑄到鐵錢內各取撥七萬五千貫赴湖廣總
領所交納所有諸路州軍綱運錢科撥五百七萬二千六百八十
二貫一百四十七文數內有四川提刑司催發錢二十五萬二千
四百三十貫近緣免起赴三年乞下舒蘄州於今年分鑄到正剩
鐵錢內各取撥一十二萬五千貫赴本所補還朝廷錢貼降二百
萬五百一十七貫九百四十七文數內貼降四川總領所拘椿網
運錢并貼降江西茶短引各一十五萬貫拘截四川合起行在巢
名綱運錢三十萬貫朝廷應副四川免起三年錢六十萬貫京西
提舉司見椿鈔鹽鐵錢內取撥三十萬貫就發鄂州椿管去年改
換江西茶長引二十萬貫權貨務都茶場於見在散乳香內品搭
給降二十萬貫就撥鄂州軍前大軍庫賣引司椿管茶引錢二十
七萬五千貫其餘一百二萬五千五百一十七貫九百四十七文

乞行下都茶場品搭印降江西湖南北茶長短引應副給遣從之
同
十二月十九日臣僚言應外路諸司總領所今於得替日將應有
錢物開申省部其新到任人亦限一月內將交到數目從實具申
從之
光宗紹熙二年三月二十五日知靖州姚槩言乞將廣西運司今
年未支本州歲計錢二萬貫及紹熙三年分歲計三萬貫仍舊行
下湖廣總領所照元例於茶引錢內支撥卻令本司於每年應副
湖廣總領所錢內一并起發交納以後年分歲計只乞就本所支
降詔湖廣總領所依靖州所乞事理施行所有廣西轉運司每歲
合應副靖州錢仰本司起發赴總領所交納理充歲計錢數同
三年七月十二日淮西總領所申乾道四年淮東總領乞將逐路
州軍應有總領所錢米去處量立殿最之法本所檢察案治刑部
大理寺看詳欲令諸路總領所於歲終將所管州軍每月合發本

所錢物十分為率共拖欠二分知通各展二年磨勘或欠數太多
重作施行如了辦數足各與減二年磨勘已得旨依淮東至今遵
奉每年各有賞罰獨本所因循弛慢今欲至歲終檢舉施行從之
八月九日詔准東西湖廣總領所各將截日終見樁管金銀錢會
等數目仍取見諸州軍得熟分數逐一從實開具申尚書省同
五年十二月三日太府卿淮東總領葉適言去冬內藏庫取去淮
東總領所五十萬貫軍民相語往往缺望萬一更有支取民力之
所以窮竭州縣之所以敗壞者正為兵數太廣兵食太費爾乞明
詔有司自今除每歲批放外並將有管實在數目逐一開具該載
式冊要使朝廷通知有餘不足之數其非緣軍前事無得輒稱支
移起發欲以他用雖有中旨許執奏不行俟儲積果多戎大簡
覈朝廷經制既立然後議窠名之重輕省撥定之數目寬減州縣
還以予民從之同

九日准西總領鄭湜奏總領之職在於調度糧餉稽察軍政而已
乾道八年總領周閱欲興酒利始奏乞撥諸司酒課併歸總所管
趨御前并朝廷淨息錢三十萬貫遞年又抱認淨息錢二十五萬
貫又增認建康府稅錢一萬貫通管趨到淨息錢五十六萬貫自
撥并之初朝廷約束方新諸司不肯過數造酒亦不敢私自酤賣
數十年來諸司私造之酒月增歲盛始者舉在城之酒利惟歸一
總所故所虧課額不為甚多後來裂為四五各私其利酒課既已
暗分每年嘗虧淨息二十餘萬往往皆侵移經常錢兌發及別作
營運補掩見今已侵過經常錢四十四萬餘貫拖欠朝廷樁管錢
八十三萬餘貫若不以利害分明控告向後轉見狼狽乞矜念總
所之職本為給糧餉察軍政許將見在本錢給還諸司自行酤賣
詔令總領所依舊酤賣每歲除合納內庫錢照數解發外所起朝
廷樁管錢全與減免諸司息錢權減四分之一仍自來年為始同
宣宗慶元元年正月五日中書門下省言瀋熙二年十月指揮鎮

江務場歲終收趨茶鹽錢及額淮東總領官與比附在右司官計
日減半推賞又瀉熙四年七月指揮鎮江務場每歲陳乞收趨茶
鹽等錢增羨官吏推賞從淮東總領所審實一歲收趨到錢比額
增羨其所賣鈔引等錢委是已拘收錢物數足本所即具保明供
申推賞照得淮東總領既依淮西總領推賞其務場收趨課額自
合提領趨辦詔計淮東總領所照淮西總領所事體提領措置施
行同
嘉泰二年十月一日新淮西總領王補之奏總領所歲計係朝廷
科撥州軍上供錢斛應副支遣使郡守盡數拘椿如期解發不至
有誤指準竊見漕憲常平茶鹽坑冶司皆以各州通判為主管官
蓋權有所歸究心督促俾廳非州郡比無供輸之煩免支費之煩
擾斷不敢移易借兌令總領所將諸郡合解本所錢斛委本州
通判充主管官專一拘轄催促應限起發須管本年之內數足本
所逐季稽考其間宣勤職守取一二申奏旌賞如或弛慢不職欠

負最多案劾責降所有諸州起發錢斛每歲令本所於次年三月
終比較不許展限具發足實欠殿最名銜以聞乞行賞罰從之同
閏十二月二十一日淮東總領所奏照得淮西總領所近畫降指
揮專委諸郡通判充主管官拘轄合發錢糧專委逐處通判一員
財計理合一體乞令本所將諸州合發錢糧專委逐處通判一員
置籍拘催主管催發一依淮西總司已得指揮施行從之同
開禧元年十一月三十日臣僚言恭惟高宗皇帝以諸道財賦分
置四總領所而又以王人領之其為慮深矣比年以來賦入虧於
前後之相因事權弛於勸懲之不及假如一州財賦隸於總所者
以十萬計今歲偶因水旱而虧其一若未甚害奈已虧者不復增
來歲逐以九萬為率矣使歲及九萬猶云可也今歲虧一歲後來
者復援虧多之歲以為率矣故曰財入虧於前後之相因且憲漕
諸司之勢必行於郡縣者以刑獄之寬濫訟牒之稽違財賦之欺
隱諸司皆得以察之下至當職官之去留承行吏之罷復諸司皆

得以專之至諸司耳目之所不接又巡案得以及之故郡縣於諸
司財賦類不敢虧惟總所則異是兼置司之地去所部或千餘里
間有及二千里之遠者勢有所不接令有所不行歲終比較展
減磨勘不過三二年其間又有夤緣幸免者而懲勸之術窮矣故
曰事權弛於勸懲之不及夫前後之弊非可以驟革勸懲之法亦
未易驟加乞於郡守離任之日各令具本任內合解總所財賦有
無虧欠如虧者即詰其由重加責降罰至若在任尤弛慢者亦許
總所案奏如此則諸郡知畏而財賦必不至致有虧緩急必不致
誤事從之

嘉定三年十一月九日臣僚言四川總領所與東南三總領所事
體不同參政王之望總蜀賦日蓋嘗論列以為東南將帥統軍旅
戶部總財賦朝廷制其予奪盈虛之柄所以東南總領責任稍輕
又朝廷在近凡事有所倚重今四川去朝廷路遙又總所不與兵
事凡有調度之費據其所需應副若非朝廷主張假借使之有以

自立則緩急難與財賦作主此說最為明白至開禧用兵之初宣
撫使程松以私意懇屬權臣遂令四川總領所照江淮湖廣體例
并聽宣司節制自是本所財賦兩宣司動輒干與且不時取撥金
帛逆曦包藏禍心用度無藝自安丙誅叛之後繼為宣撫使雖仍
指揮之舊其實總所全賴左右扶持以至今日但軍政財賦既有
攸司所當各專任責今宣司結局改置制置大司當覈實軍政擢
節錢糧以寬總所餽運總所當幹旋儲蓄極力措置以應軍需不
應復累大司所有權臣一時元降節制指揮合行釐正其制司與
總所往來文移既是制置大使係執政大臣總所合用公申如將
來止是制置司卻合止用公牒庶幾名正體順兩司叶和不致止
誤國事從之

六年十月二十八日臣僚言兩淮權貨務場自姦臣變法創置提
轄一員嘉定二年臣僚以其費用日廣而財計展轉不行奏請省
罷未踰半載朝廷仍舊差官方其增置固以貪吏侵欺出納之無

限也及其省罷則以官吏廩祿費用之尤多也今此司再復非以課額之有無虧乎嘗以兩司申請利害考之鎮江一司提轄未再置時所管錢會猶足以支數月今反空匱亦立不可支吾歲給降者不啻百萬建康一司每月認支之額既已省減而朝廷給降月猶不下十四五萬夫差官三四任更歷四五年課額不登給降如故而徒增二司官吏費用所謂廩長立而馬益癯也今若逐歲指降鈔引令總所自行發賣擇一幹官提其大綱萬一鈔引未甚流通雖不免陳請給降豈不省增置官吏廩給之費況供帳幕帑徒御使令欲與諸司并驅今又有增而無減乎乞將鎮江建康分司提轄職事并令總所交割管掌各令歸班別與差遣實經久之利從之

十一月十四日監察御史黃序言國家置四總領所以董軍餉半天下之賦入皆在焉又於建康鎮江各有權務一司幹茶鹽之利以通商賈曩時科降鈔引不為搏節客商入納利源繇夥軍額多

關支遣贏餘總所得專其權朝廷無所稽考間有私自封殖利已乾沒而罰徒具文此權務所以專置分司在前日行之為宜也自分司之後逐歲鈔引指數科降務場發賣登載文歷出入明白為轄官者不過謹出納之司而已流通則樁管月廩闕乏則告急於朝雖有他巧無所施之考之累政借撥朝廷錢物不知其幾總所坐享其逸朝廷實任其勞無乃體統倒置者邪向者以積弊而釐析之今以其無弊而復歸之名正辭順故復推務於總所為便或者謂專置一司猶不足以供億而總所安得力而給諸審如是則以王人委寄之隆而但曰催督綱運云者無乃擇易而辭難乎夫鈔引即錢物也以變賣而為支遣其數不易萬一入納稍遲支遣不敷則以總所錢物通融之此猶朝三而暮四也鈔引在是則錢亦在是況科降出納大數灼然逐時打算毫髮無隱特不過使總所任向來之責而朝廷不為分司之累爾權轄一司官吏皆可省罷欲乞將鎮江建康兩處務場日下結局仍舊付之總領庶幾事

權歸一無所扞格從之上
八年正月二十五日吏部言淮東西湖廣總領所昨來係來援引
戶部例差置催綱官徒費廩給合照戶部例一體住罷詳見戶部
九年正月二十七日司農卿淮東西總領胡槻奏本所幹辦公事
一員分司池州事權既專責任亦重池州一軍歲蒙朝廷科降錢
一百九萬餘貫全藉分司幹官拘催緣累政皆係堂除選人資淺
望輕州縣固已輕視又往往多非其人到任即以文字為急職業
多不留意只嘉定八年一歲之間失催錢四十餘萬貫常是本所
那撥添湊支遣望將上件窠闕發下吏部照格法差已作縣合入
資序人庶幾資望稍高必能辦職從之上
十四年二月八日總領四川財賦軍馬錢糧所奏利州大軍庫係
四川根本所在日逐收支錢物委是蘇夥其監官兩員從元申獲
紹興十六年七月二十九日指揮許從本所選擇保明奏辟近準
朝廷差下新官杜璋本所已行遵奉外竊慮以後不經本所審量

或有癘老疾病精力不逮之人徑行赴部注授廟堂無緣得知委
礙本所出納乞將上件監官兩闕日後免行差注止從本所擇材
奏辟從之上
十五年正月二日朝奉郎守軍器監淮東總領岳珂奏本所自紹
興間初置淮東一路軍馬盡在鎮江府大軍倉官專一任出納之
責近年邊備未撤王師宿淮就成軍兵糧米多移在淮南交受支
遣昨來揚大軍倉前政總領亦初辟倉官一員已蒙朝廷從請今
楚州比揚州事體尤重本所支遣鎮江月支二萬四千五百餘石
揚州一萬一千六百餘石楚州一萬四千五百餘石委是一體不
可闕官久例於楚州州官兼攝各有職不能專心管幹遂致綱運
積壓不以時交委實利害今欲照揚州大軍倉體例初置監楚州
大軍倉官一員專一管幹隸屬本所乞從朝廷選差一次或從本
所奏辟庶幾官有定守軍儲可以給足詔從公選辟經任無過犯
有舉主人一次仍以監淮東總領所楚州戶部大軍倉繫銜既而

要

日十九

珂又奏本所置司鎮江相去動數百里不惟出納經常錢米交受
網運數目繇漸瀚要任得人竊緣久例沿邊郡縣通判判官知縣
兼受給曹官主簿兼倉庫指作兼職不復經意翁歷支遣率付吏
手遞互推託不與交受正緣受給官不曾入街因此視為不切竊
照淮西總領所昨來陳乞通判主管官并帶淮西總領所簽廳職
事入街及赴所批書今來本所正與事體一同乞朝廷詳酌特賜
劄下楚楊真泰盱眙軍通判高郵軍判官天長六合知縣並各帶
淮東總領所受給錢糧職事入街除揚州已有專官外餘並於滿
替前一季預申本所於見任官內從本所踏逐選差或見得下政
可委就差承代管幹其受給并倉庫官遇差兼滿替并赴本所批
書從之上
聖政所
紹興三十二年孝宗己卯六月二十三日詔曰朕惟太上皇帝臨
御三紀法令一新粲然備具嗣位之初深懼墜失其儀設官哀集

建炎紹興以來所下詔旨條列以聞朕當與卿等恪意奉承以對
揚慈訓續詔專委權吏部侍郎徐度權刑部侍郎路彬措置哀集
九月十一日詔敕令所可改為編類聖政所上
十二月吏部侍郎凌景夏言近年間有勳臣之家經省部理訴稽
之令甲姓名不載難以施行兼在元祐黨禁如文彥博司馬光呂
公著等以至靖康建炎以來忠臣義士奮不顧身以衛社稷者類
多有之皆略而未編亦盛世之闕典也願詔有司精加討論慶麻
建中靖國所載或有未盡悉令添入元祐靖康建炎以後有合籍
記者接續修纂以光中興天下幸甚詔就委編類聖政所接續修
纂上
十月七日吏部侍郎兼編類聖政所詳定官徐度起居郎兼編類
聖政所詳定官周必大言本所奉旨接續修纂功勳忠義臣僚事
跡合要昨來慶麻建中靖國編載未盡勳臣及元祐靖康建炎以

日	聖	編	十	隆	浩	二	干	十	下	所	搜	一	來
以	政	聖	二	興	同	十	合	八	所	立	訪	參	建
前	合	政	月	元	提	四	行	日	立	功	如	考	立
三	要	所	六	年	舉	日	事	聖	功	勳	有	編	功
省	建	詳	日	正	峴	詔	件	政	勳	實	前	纂	勳
樞	炎	定	吏	月		尚	欲	所	跡	見	項	欲	卓
密	元	官	部	浩		書	乞	言	存	千	勳	望	然
院	年	周	侍	拜		左	并	已	照	照	及	許	顯
時	五	必	郎	右		僕	依	指	經	所	忠	從	著
政	月	大	兼	僕		射	救	降	屬	屬	義	本	忠
記	十	言	編	提		陳	令	指	陳	陳	士	所	臣
起	日	奉	類	舉		康	所	揮	乞	乞	職	移	義
居	以	旨	聖	仍		伯	前	將	本	本	位	文	士
注	後	編	政	舊		提	後	令	州	州	姓	諸	職
參	至	類	所			舉	申	所	保	保	名	路	位
照	紹	光	詳			編	請	改	明	明	及	專	姓
編	興	堯	定			類	已	為	錄	錄	所	委	名
類	三	堯	官			聖	得	編	白	白	立	監	及
欲	十	聖	凌			政	指	類	繳	繳	功	司	所
乞	二	太	景			所	揮	聖	申	申	勳	遍	立
下	年	上	夏			參	施	政	朝	朝	事	下	功
日	六	皇	起			知	行	所	廷	廷	蹟	所	勳
麻	月	帝	居			政	從	有			逐	部	事
所	十	一	郎			事	之	應				州	蹟
并	一	朝	兼			史	峴					軍	逐

歸	同	官	五	紀	凡	二	八	所	乞	其	皇	草	移
國	日	二	月	事	大	年	日	舊	不	所	城	藁	文
史	編	員	十	候	號	三	支	請	理	添	司	參	諫
院	類	以	九	書	令	月	米	則	為	御	支	照	院
欲	聖	館	日	成	大	十	指	例	名	厨	給	已	後
實	政	職	詔	日	政	六	揮	條	色	第	入	得	省
封	所	兼	編	一	事	日	支	依	次	三	宮	指	依
用	言	仍	類	併	今	詔	破	紹	數	等	門	揮	年
印	接	令	聖	進	日	編	施	興	支	折	號	許	分
牒	續	日	政	呈	合	類	行	祿	破	食	二	差	遂
送	修	麻	所	以	遵	聖	仍	格	仍	錢	道	人	旋
從	纂	所	并	本	行	政	自	祿	自	若	兼	於	關
之	功	人	歸	所	者	所	差	秩	供	於	本	學	借
峴	勳	吏	日	詳	并	修	到	申	職	本	行	士	或
	臣	先	麻	定	編	纂	所	明	日	處	所	院	鈔
	僚	行	所	官	類	光	日	并	為	所	檢	就	錄
	忠	遣	依	凌	門	堯	始	紹	始	請	討	行	用
	臣	峴	舊	景	日	堯	從	興	人	名	官	鈔	畢
	義		宰	夏	每	壽	之	十	吏	色	除	錄	封
	士		臣	等	月	聖	峴	三	請	次	本	本	還
	事		提	有	投	太	三	年	給	數	所	所	并
	跡		領	請	進	上	年	六	昨	相	本	人	合
	合		其	也	其	皇	月	月	來	妨	處	更	要
	行		檢	峴	編	帝	二	十	來	者	請	乞	詔
	并		討		年	聖	十	十	來	欲	給	下	旨

十月四日詔編類聖政所檢討官差秘書省校書郎王東里正字	程千里兼其聖政文字秘書監少同預編類	聖政六十卷 <small>進書儀注官所門上同</small>	十月五日提舉編類聖政蔣芾言本所官吏欲限三日結局從之	其詳見上日麻	淳熙十六年三月二十一日國史日麻所言奉旨壽皇聖帝臨御	歲久典章法度繁若日星可令日歷所編類成書朕當遵而行之	仰稱付託之意本所今具下項本所編類壽皇聖帝典章法度乞	以至尊壽皇聖帝聖政為名欲從日例就監修國史提舉以提舉	編類聖政繫銜所修聖政文字欲乞每月就監修國史過局日聚	議供呈檢討官二員以館職兼乞朝廷差置仍乞以兼國史日麻	所編修聖政檢討官繫銜即下干預修纂日麻本所官秘書監少	著作郎佐見修纂日歷乞依昨來修進光堯壽皇聖政同
---------------------------	-------------------	--------------------------------	---------------------------	--------	---------------------------	---------------------------	---------------------------	---------------------------	---------------------------	---------------------------	---------------------------	------------------------

預編類所修聖政係就用本所應干國史文字照使昨來修進聖	政係今日麻所人吏兼行遣其取會文字并漏泄條禁并乞依本	所前後已得指揮施行仍乞就用日歷所記行使本所人吏更不	添置如遇文字冗併日依例顧工書寫及應干支用合於公使錢	內支破每月入歷批勘一百貫合用修書紙劄朱紅物帛等欲乞	從本所逐旋具呈監修國史下雜買務收買并從之	閏五月一日詔知樞密院事兼參知政事王簡提舉編類聖政	七月九日詔秘書省秘書郎黃由校書郎王叔簡兼并兼國史日	麻所編類聖政檢討官	光宗紹熙元年七月八日詔左丞相留正監修國史提舉編類聖	政	二年十月十三日詔太常博士章穎兼國史日麻所編類聖政	官	三年十二月二十三日國史日麻所上至尊壽皇聖帝聖政五十
---------------------------	---------------------------	---------------------------	---------------------------	---------------------------	----------------------	--------------------------	---------------------------	-----------	---------------------------	---	--------------------------	---	---------------------------

二十五日國史日麻所編類聖政言至尊壽皇聖帝聖今已進呈	安奉了畢所有本所請色人將來推恩內不願轉資合得折資錢	并經修不經進使臣人吏等推恩犒設錢二千貫文今來務從省	減更不支降止俟推恩止俟推恩指揮下日從本所具的確人數	申明朝廷行下戶部依例入麻批勘從之	經略使	哲宗正史職官志云掌總護諸將統制軍旅察治姦宄以肅清一	道凡兵民之政皆總焉係邊任則綏御夷狄撫寧疆圉若甲兵屯	戍芻粟饋運則視其緩急盈虛而移用之掌凡戰守之事即事干	機速邊防及士卒抵罪者聽以便宜裁斷其屬有句當公事管句	機宜文字準備將領準備差使三樂大典卷一萬	元豐元年五月八日熙河路經略使張詵乞舉文資一員準備差	遣點檢常平錢穀從之
---------------------------	---------------------------	---------------------------	---------------------------	------------------	-----	---------------------------	---------------------------	---------------------------	---------------------------	---------------------	---------------------------	-----------

十月十四日鄜延路經略使呂惠卿乞以本司回易庫撫養士卒	等本錢別置庫不得雜公使錢從經略司變易止克撫養士卒及	賞覘事人如小事止支係省錢諸路并乞依此從之	三年正月十三日龍圖閣直學士韓縝以分畫河東地界文字來	上詔錄付河東經略司令帥臣親掌	六月二十四日詔就近經略使所在封樁委茶場司管句如封樁	錢物法自今有羨錢準此歲終輒具數以聞	四年七月三日詔鄜延環慶涇原路經略司各支封樁錢十萬緡	招納蕃部	九月十七日知延州沈括言西賊聚兵各在本路對境慮大兵既	入境賊乘虛寇襲即乞令監司或以次官權州事臣以經略都總	管司職事領在城兵往照應從之	十二月三日李憲言準敕差權涇原路經略使其熙河路都大經	制并節制秦鳳路軍馬合與不合依舊兼領陝西諸路經略轉運
---------------------------	---------------------------	----------------------	---------------------------	----------------	---------------------------	-------------------	---------------------------	------	---------------------------	---------------------------	---------------	---------------------------	---------------------------

司合應副本路兵馬軍須糧草其經略使監司乞許臣彈劾以次
當職官乞許臣一面遣官劾罪陝西河東見任文武官乞許臣不
拘常制選委應副雖有違礙并即發遣如敢占留并科違制乞差
近上禁軍一指揮為牙隊詔熙河經制并節制秦鳳路依舊兼領
所乞牙隊差神衛餘並依奏
二十二日熙河路都大經制司乞差蘭州官詔以四方館使熙河
路副總管兼知河州李浩知蘭州侯修會州畢差充蘭會路經略
安撫副使
五年正月二十六日客省副使知誠州謝麟言乞增割戶口山川
并降屬縣名額詔以麟知沅州主管沅誠州沿邊安撫公事置兵
馬監押職官司戶參軍各一員并令謝麟舉官一次誠州官任滿
依沅州酬獎
二十九日詔進士鍾傳為蘭州軍事推官涇原路安撫制置司主
管機宜文字以李憲奏充效用又言其從軍有功也

二月四日文思使文州刺史內侍押班李舜舉為照管涇原路經
略司一行軍馬兼參議軍中大事
六年八月二十一日詔賜環慶路經略司度牒僧牒千為錢十三
萬緡別封樁
七年十月九日詔內藏庫支納絹各五十萬足於熙渭州經略司
封樁
哲宗元祐元年十一月五日權發遣泰州兼管句秦鳳經略安撫
都管司范育言知州係帥臣將下公事乞不許通判同管從之
是歲詔陝西河東經略安撫都總管司自元豐四年後應緣軍興
添置官屬并罷又詔罷經略安撫司管句官
二年六月二十二日詔目今沿邊臣僚奏請創置更易事并先付
本路經略安撫司詳度利害以聞
瀋熙六年四月四日廣西經略安撫劉焯言本路賓邕昭象等州
見有劫盜公事一十五火未曾結斷自來候提刑司請覆取會或

奏	接	道	請	略	乞	面	
聽	本	重	軍	安	許	約	
敕	路	修	犯	撫	經	法	
裁	州	敕	重	司	略	依	
動	縣	諸	罪	酌	司	上	
淹	單	軍	事	情	索	件	
歲	弱	干	理	斷	取	敕	
月	久	邊	重	遣	各	條	
今	有	防	害	訖	州	酌	
來	纂	或	難	以	勘	情	
湖	囚	機	依	聞	到	斷	
南	越	速	常	不	情	遣	
宜	獄	不	法	罪	疑	候	
章	之	宜	而	至	將	事	
賊	風	淹	不	死	迹	定	
徒	或	干	可	者	狀	日	
陳	恐	機	待	餘	顯	依	
峒	兇	會	奏	犯	著	舊	
等	徒	理	報	情	贓	從	
竊	越	須	者	重	證	之	
發	發	從	許	自	明	上	
與	逸	權	申	依	白		
本	檢	速	本	奏	之		
路	準	此	路	裁	人		
抵	乾	并	經	法	一		

要

五十四

